



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 1204. Usque Ad Annum 1230

**Fleury, Claude**

**August. Vind. [u.a.], 1763**

**VD18 90118030**

§. 21. Fratres Minores subjiciantur Episcopis.

---

[urn:nbn:de:hbz:466:1-66406](https://nbn-resolving.org/urn:nbn:de:hbz:466:1-66406)

rum, meamque indigni Servi sui, salu- Sæcul. XIII.  
tem præcipit, destruere aggrediuntur. A. C. 1219.

Ego enim nihil eorum, quæ facio, dicove, tribuo, sed omnia inter longos preces penso cum Patre cælesti, qui nobis suam voluntatem signis manifestis indicavit. His dictis Franciscus de cœtu se proripuit.

Cardinalis, admiratus fervorem, quo locutus fuerat, & perspicacitatem, qua secreta cordium, & quidquid ad regimen Ordinis pertineret, protinus cognoscebat, ad viros Religiosos ait: *Cari Fratres mei, audivistis, quæ ipse Spiritus Sanctus per virum Apostolicum locutus sit. Cavete igitur, ne Deum vobis ita faventem ingrato animo offendatis, qui vere in isto viro paupere est, & per os ejus loquitur. Submittamini, eique obedite, si Deo placere cupitis, nec fructum Vocationis vestræ perditum vultis. Expertus scio, haud facile Franciscum falli, vel a via, quam elegit, retrahi posse.* Cardinali ita differenti illi quoque, quibus prius contraria sententia steterat, consenserunt.

§. XXI.

*Fratres Minores subjiciantur  
Episcopis.*

Complures Fratres ex provinciis, ultra mare positis, ad hoc Capitulum se

n. 26.

COR.

Sæcul. XIII.  
A. C. 1219.

contulerant, remedium quæsituri, quod in quibusdam locis pessime habiti fuissent, quia nullas literas authenticas exhibuerant, Institutum suum ab Ecclesia fuisse approbatum. Præterea querebantur, quod sibi licentia Verbum Dei prædicandi denegaretur, & Franciscum rogabant; a Papa privilegium obtinerent, quo ubique prædicare, etiam sine consensu Episcoporum, possent. His sanctus Vir indignabundus respondit: *Quid hoc sibi vult, Fratres, an voluntatem Dei non agnoscitis? præcipit, ut nobis prius Superiorum & Præpositorum animos humilitate & obsequiis conciliemus, ac deinde verbo & exemplo eorum subditos lucremur. Si viderint Episcopi, vos sancte vivere, eorumque auctoritati nocere non velle, ipsi vos rogabunt, ut eos adjuvetis, & laboretis pro salute animarum, ipsis commissarum. Advocabunt vos, audient, & imitabuntur. Privilegium vestrum singulare sit, nullum habere privilegium, quod vos spiritu superbiæ inflaret, auctoritatem, aliis noxiam, vobis conciliaret, ac jurgia pareret (\*)*. Aliqui referebant, incidisse

(\*) Haud dubie admiratio subibit, Audite Lector, quod invitis & repugnantibus omnibus SS. Ordinum Fundatoribus, nihilominus Exem

se in complures Parochos duræ cervicis, Sæcul. XIII.  
 quos nec precibus, nec ulla industria, A. C. 1219.  
 nec morum humilitate, nec pietate vi-  
 tæ flectere potuissent, ut licentiam in  
 suis parochiis prædicandi sibi concede-  
 rent, & aliquod subsidium sustentando  
 corpori necessarium sibi a parochianis  
 porrigi paterentur. Franciscus respon-  
 dit: *Eratres mei, missi sumus ad auxi-  
 lium Presbyteris ferendum, & supplen-  
 dos eorum defectus. Quilibet recipiet* Coll. 12. to. 3.  
*mercedem suam non potestati, sed labori* <sup>opusc.</sup>  
*suo comparatam. Nihil Deo magis gra-  
 tum, quam salus animarum, quas faci-  
 lus lucrabimur, si amicitiam Presbyte-  
 rorum coluerimus, quam si nos dissidia  
 dividant. Si Sacerdotes populorum sa-  
 luti obstant, Deus pœnas exiget. Vos  
 vero si filii pacis estis, & Clericos &  
 populum vobis devincietis, eritque hoc  
 obsequium Deo magis acceptum, quam  
 si Fidelium animos quidem caperetis,  
 Clericis vero poneretis scandalum. Ve-  
 strum est Clericorum vitia tegere, ne-  
 gligentia remedium afferre, & nibilo-  
 minus*

Exemtionem ab aliqua saltem parte Jurisdictionis  
 ordinariæ Episcoporum invehi potuerint.  
 Nempe tam Summis Pontificibus, quam SS. Fun-  
 datorum filiis potiora pro Exemtione videban-  
 tur argumenta, quæ in Præfatione hujus Partis  
 retuli.

Sæcul. XIII. *minus virtute humilitatis omne homi-*  
A.C. 1219. *num genus vincere.*

§. XXII.

*S. Francisci Literæ.*

Ceterum Literas testes & commenda-  
 titias, de Approbatione sui Instituti  
 Franciscus Fratribus proficiscentibus ne-  
 cessarias judicavit, & suadente Cardina-  
 nale Protectore, Bullam in hunc finem  
 ab Honorio Papa die undecima Junii  
 anno millesimo ducentesimo decimo  
 nono datam obtinuit, ad omnes Episco-  
 pos aliosque Præpositos Ecclesiasticos  
 directam, in qua Fratres Minores tan-  
 quam viros Apostolicos laudat, horta-  
 turque, ut eos benigne excipiant. Hæc  
 prima omnium Bulla est novi Ordini  
 concessa. Capitulo soluto Franciscus,  
 Discipulorum suorum præcipuis in di-  
 versas provincias, cum delecto sociorum  
 numero, missis, sibi ipsi cum duodecim  
 aliis prædicationem in Syria & Ægypto  
 destinavit. Delegatis vero suis tres Epi-  
 stolas tradidit, quarum prima ad Episco-  
 pos & Clericos cujuscunque Diocesis,  
 secunda ad Rectores, Consules, Magi-  
 stratus, tertia ad sui Ordinis Custodes  
 directa est, quibus præcipiebat, ut ista-  
 rum literarum plura exempla describi  
 & distribui curarent. In Epistola ad vi-  
 ros Ecclesiasticos hortatur, ut maxima

revera